

**სახელმწიფო შესყიდვის შესახებ №41
ხელშეკრულება**

ქ. ბათუმი

ხელშეკრულების ზოგადი პირობები:

1. ხელშეკრულების მხარეები:

ერთი მხრივ შპს „შავი ზღვის ფლორისა და ფაუნის შემსწავლელი სამეცნიერო კვლევითი ცენტრი“ (შემდგომში – შემსყიდველი), წარმოდგენილი მისი დირექტორის მოვალეობის შემსრულებლის, მიხეილ გაგოშიძის, სახით და მეორეს მხრივ შპს „ეკოვის ეი-თი-ეი ფინანსები“ (შემდგომში – მიმწოდებელი) წარმოდგენილი დირექტორის, ივანე კუტიბაშვილის, სახით, ელექტრონული ტენდერის **NAT220006759** საფუძველზე ვდებთ წინამდებარე ხელშეკრულებას შემდეგზე.

2. ხელშეკრულების საგანი:

წინამდებარე ხელშეკრულების საგანს წარმოადგენს ელექტრონული ტენდერის საფუძველზე “აუდიტორული მომსახურების” **CPV-79200000 (CPV-79212100)** სახელმწიფო შესყიდვა.

3. ხელშეკრულების ფასი:

წინამდებარე ხელშეკრულების საფუძველზე გასაწევი მომსახურების ღირებულება, რომელიც წინამდებარე ხელშეკრულებით განსაზღვრული წესით „შემსყიდველის“ მიერ (მომსახურების სრულად ათვისების შემთხვევაში) გადახდილი უნდა იქნეს „მიმწოდებელზე“ შეადგენს 28900 (ოცდარვა ათას ცხრაას) ლარს.

4. ხელშეკრულების შემადგენლობა:

წინამდებარე ხელშეკრულებას ქმნიან და ხელშეკრულების განუყოფელ ნაწილს წარმოადგენენ შემდეგი დოკუმენტები:

- ა) ხელშეკრულების ზოგადი პირობები;
- ბ) ხელშეკრულების სპეციფიკური პირობები;
- გ) ფასების ცხრილი,
- დ) ტექნიკური პირობები,
- ე) შესყიდვის ობიექტის წარმოშობა.

5. ხელშეკრულების სხვა ზოგადი პირობები:

- 5.1.** ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.
- 5.2.** მიმწოდებელი იღებს ვალდებულებას მიაწოდოს შემსყიდველს ხელშეკრულებით გათვალისწინებული მომსახურება ხელშეკრულების პირობების შესაბამისად.
- 5.3.** შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულების პირობებში ასახულ ვადებში, ფორმითა და წესით.
- 5.4.** მომსახურების გაწევა უნდა მოხდეს ხელშეკრულების დადებიდან არაუმეტეს 2022 წლის 15 ივნისამდე ვადაში.
- 5.5.** ხელშეკრულების მოქმედების ვადაა მისი ხელმოწერიდან 2022 წლის 30 სექტემბრის ჩათვლით.

6. მხარეთა ხელმოწერები, იურიდიული
მისამართები და რეკვიზიტები:

„შემსყიდველი“

შპს „შავი ზღვის ფლორისა და ფაუნის
შემსწავლელი სამეცნიერო კვლევითი
ცენტრი“
ს/ნ 245626443
ქ. ბათუმი, შ.რუსთაველის ქ. N51
სს „თბილისი ბანკი“
ბანკის კოდი: TBCBGE22
ა/ნ GE43TB7532836020100005

დირექტორის მ.შ.

მ. გაგოშიძე

„მიმწოდებელი“

შპს „ეკოვის ეი-თი-ეი ფინანსები“
ს/ნ 405193124
ქ. თბილისი, აფაქიძის ქუჩა N 11, სართული
11, ბინა N151
სს „საქართველოს ბანკი“
ბანკის კოდი: BAGAGE22
ა/ნ GE27BG0000000165589800

დირექტორი

ი. კუტიბაშვილი

ხელშეკრულების სპეციფიკური პირობები

1. ხელშეკრულების დამდები მხარეები

შემსყიდველი: შპს „შავი ზღვის ფლორისა და ფაუნის შემსწავლელი სამეცნიერო კვლევითი ცენტრი“ (შემდგომში – შემსყიდველი) წარმოდგენილი მისი დირექტორის მოვალეობის შემსრულებლის, მიხეილ გაგოშიძის, სახით.

მიმწოდებელი: შპს „ეკოვის ეი-თი-ეი ფინანსები“ (შემდგომში – მიმწოდებელი) წარმოდგენილი დირექტორის, ივანე კუტიბაშვილის, სახით.

2. გამოყენებული ტერმინების განმარტებები:

ხელშეკრულებაში ტერმინებს აქვთ შემდეგი მნიშვნელობა:

2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) შემსყიდველ ორგანიზაციასა და პრეტენდენტს შორის დადებულ ხელშეკრულებას, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები;

2.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

2.3. „შემსყიდველი ორგანიზაცია“ (შემდგომში – „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

2.4. „მიმწოდებელი“ ნიშნავს პირს რომელიც ახორციელებს მომსახურების გაწევას სახელმწიფო შესყიდვის შესახებ მოცემული ხელშეკრულების ფარგლებში;

2.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

3. სტანდარტები:

ხელშეკრულების ფარგლებში მოწოდებული მომსახურება უნდა შეესაბამებოდეს ფასების ცხრილში და ტექნიკურ პირობებში მითითებულ მოთხოვნებს.

4. ხელშეკრულების შესრულების კონტროლი:

4.1. შემსყიდველი მისი წარმომადგენლის მეშვეობით ახდენს ხელშეკრულების ინსპექტირებას;

4.2. მიმწოდებლის მიერ მოსაწოდებულ ან უკვე მოწოდებულ მომსახურებაზე კონტროლი (ინსპექტირება) ხორციელდება სისტემატიურად შემსყიდველის შეხედულებისამებრ;

4.3. მიმწოდებელი უზრუნველყოფს ინსპექტირების ჩატარებას აუცილებელი პერსონალით და ტექნიკური საშუალებებით;

4.4. მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა;

4.5. შემსყიდველი მიმწოდებელთან ერთად აწარმოებს კონტროლს მომსახურების მოწოდების მიმდინარეობაზე, თანახმად საქართველოში მოქმედი ყველა ნორმების, სტანდარტების და წესებისა, რომელთა დარღვევის შემთხვევაში შემსყიდველს გააჩნია უფლება შეაჩეროს მომსახურების მიღება და განახორციელოს კანონით გათვალისწინებული სანქციები;

4.6. მიმწოდებელი ვალდებულია შემსყიდველს მოაწოდოს მხოლოდ ის მომსახურება, რომელთა ხარისხი შეესაბამება საქართველოში მოქმედ სტანდარტებსა და ნორმებს, წინააღმდეგ შემთხვევაში შემსყიდველი უფლებამოსილია გამოიყენოს მიმწოდებლის მიმართ პასუხისმგებლობის ღონისძიებები;

4.7. შემსყიდველის მხრიდან ხელშეკრულების შესრულების კონტროლს, მოწოდებული მომსახურების წინამდებარე ხელშეკრულების შესაბამისად მიღება-ჩაბარების მიზნით მიღება-ჩაბარების აქტის გაფორმებას და ტექნიკურ ზედამხედველობას განხორციელებს შპს „შავი ზღვის ფლორისა და ფაუნის შემსწავლელი სამეცნიერო კვლევითი ცენტრის“ ბუღალტრული აღრიცხვისა და ანგარიშგების სამსახურის უფროსი (მთ. ბუღალტერი), ნათია ანანიძე. შემსყიდველს უფლება აქვს ხელშეკრულების მოქმედების ნებისმიერ ეტაპზე და ნებისმიერ დროს ამ პუნქტით გათვალისწინებული უფლებამოსილება ინდივიდუალურ ადმინისტრაციულ-სამართლებრივი აქტით მიანიჭოს შპს „შავი ზღვის ფლორისა და ფაუნის შემსწავლელი სამეცნიერო კვლევითი ცენტრი“-ს სხვა თანამშრომელს ან/და შესაბამისი ხელშეკრულების საფუძველზე ნებისმიერ სხვა პირს. შემსყიდველის ასეთი გადაწყვეტილება არ საჭიროებს მიმწოდებლის არც წინასწარ და არც შემდგომ თანხმობას და იგი ძალაში შედის შესაბამისი ინდივიდუალური ადმინისტრაციულ-სამართლებრივი აქტით ან შესაბამისი ხელშეკრულებით დადგენილი წესით;

4.8. შემსყიდველის მხრიდან ხელშეკრულების შესრულების კონტროლის, მოწოდებული მომსახურების წინამდებარე ხელშეკრულების შესაბამისად მიღება-ჩაბარების მიზნით მიღება-ჩაბარების აქტის გაფორმების და ტექნიკური ზედამხედველობის განხორციელების უფლებამოსილების 4.7. პუნქტის შესაბამისად შესაბამის ინდივიდუალური ადმინისტრაციულ-სამართლებრივი აქტით ან შესაბამისი ხელშეკრულებით გათვალისწინებულ პირზე მინიჭების შემდეგ ასეთი უფლებამოსილების მინიჭებამდე მოწოდებული მომსახურების კონტროლისა და ტექნიკური ზედამხედველობის განხორციელების შედეგები და გაფორმებული მიღება-ჩაბარების აქტები ინარჩუნებს იურიდიულ ძალას.

5. მომსახურების გაწევის პირობები:

5.1 მიწოდება უნდა განხორციელდეს ხელშეკრულების დადებიდან არაუმეტეს 2022 წლის 15 ივნისამდე ვადაში.

5.2 მიწოდება უნდა მოხდეს შემსყიდველის მისამართზე: ქ. ბათუმი, რუსთაველის №51 (შემსყიდველის ადგილსამყოფელი);

5.3 მიმწოდებელი უზრუნველყოფს მომსახურების გაწევას და ის პასუხისმგებელია საქართველოს კანონმდებლობით გათვალისწინებულ შესაბამის გადასახდელებზე.

5.4 მომსახურება შემსყიდველზე გაწეულად ითვლება წინამდებარე ხელშეკრულების შესაბამისად შესაბამისი მიღება-ჩაბარების აქტისა და შესაბამისი საგადასახადო დოკუმენტის წარმოდგენის შემდეგ;

6. შეფუთვა (არსებობის შემთხვევაში):

6.1. მოსაწოდებელი საქონელი შეფუთული უნდა იყოს შესაბამისი ნორმების დაცვით.

6.2. მიმწოდებელი პასუხისმგებელია შემსყიდველის წინაშე, მიღება-ჩაბარების აქტის გაფორმებამდე, საქონლის ნებისმიერი სახის დაზიანების შემთხვევაში, რომელიც გამოწვეული იქნება არასწორი შეფუთვით.

7. შესყიდვის ობიექტის მიღება-ჩაბარების წესი:

7.1. მიღება-ჩაბარების აქტი ფორმდება მომსახურების სრულყოფილად გაწევის შემდეგ, ფაქტიურად გაწეული მომსახურების შესაბამისად;

7.2. შესყიდვის ობიექტის მიღება და საბოლოო შემოწმება ხდება მომსახურების გაწევის ადგილზე, ფორმდება მიღება-ჩაბარების აქტი, რომელზე ხელმოწერითაც მომსახურება ითვლება უნაკლოდ და შემსყიდველის მხრიდან მიღებულად;

7.3. შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით

უზრუნველყოფს მიმწოდებელი;

7.4. მიღება-ჩაბარებას არ ექვემდებარება გაწეული მომსახურება, რომელიც არ შეესაბამება ხელშეკრულებით გათვალისწინებულ ან/და საყოველთაოდ აღიარებულ ხარისხს (პირობებს). მტკიცების ტვირთი, რომ მოწოდებული მომსახურება ექვემდებარება მიღება-ჩაბარებას, ეკისრება მიმწოდებელს.

8. ანგარიშსწორება:

8.1. ანგარიშსწორება მიმწოდებელთან ხორციელდება უნაღდო ანგარიშსწორების ფორმით ხელშეკრულებით გათვალისწინებულ რეკვიზიტებზე გადარიცხვით, ანგარიშსწორების ვალუტა - ლარი;

8.2. ანგარიშსწორება მიმწოდებელთან განხორციელდება მიღება-ჩაბარების აქტის გაფორმებისა და შესაბამისი საგადასახადო დოკუმენტის წარმოდგენის შემდეგ 10 (ათი) სამუშაო დღის განმავლობაში;

8.3. საქართველოს კანონმდებლობით გათვალისწინებული ყველა შესაბამისი გადასახადის გადახდაზე პასუხისმგებელია მიმწოდებელი;

8.4. თუ შემსყიდველის მიერ ხელშეკრულებით განსაზღვრული გასაწევი მომსახურების ღირებულებამ არ შეადგინა მიმწოდებელთან დადებული ხელშეკრულებით გათვალისწინებული თანხა, ასეთ შემთხვევაში შემსყიდველი გადაუხდის მიმწოდებელს ფაქტიურად გაწეული მომსახურების ღირებულებას. აღნიშნულიდან გამომდინარე მიმწოდებელს პრეტენზია არ უნდა გააჩნდეს მიუწოდებელი მომსახურებაზე ღირებულების ანაზღაურებაზე;

8.5. ანგარიშსწორებისას პირველ რიგში გამოიქვითება პირგასამტეხლოს სახით და-კისრებული და მიმწოდებლის მიერ შემსყიდველის სასარგებლოდ გადასახდელი სხვა გადასახდელები (ასეთის არსებობის შემთხვევაში), რომლის შედეგად დარჩენილი თანხა აუნაზღაურდება მიმწოდებელს (ურთიერთმოთხოვნათა გაქვითვა). შესაბამისად გამოიყენება საქართველოს სამოქალაქო კოდექსი.

9. ხელშეკრულების ვადა:

9.1. ხელშეკრულების მოქმედების ვადაა მისი ხელმოწერიდან 2022 წლის 30 სექტემბრის ჩათვლით;

10. ფასები:

ნებისმიერი ცვლილება რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.

11. პასუხისმგებლობა ხელშეკრულების პირობების შეუსრულებლობისათვის:

11.1. ხელშეკრულებით ნაკისრი ვალდებულებების დაგვიანებით შესრულების შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტეხლო ხელშეკრულების ფასის 0,1% პროცენტის ოდენობით;

11.2. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

11.3. ხელშეკრულებით ნაკისრი ვალდებულებების შეუსრულებლობის ან არაჯეროვანად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

11.4 იმ შემთხვევაში თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1 პროცენტს, შემსყიდველს

უფლება აქვს შეწყვიტოს ხელშეკრულება.

12. ხელშეკრულებაში ცვლილებების შეტანა:

12.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა;

12.2. თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;

12.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;

12.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად;

13. უფლებების გადაცემა:

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები. დაუშვებელია მიმწოდებლის მიერ ნაკისრი ვალდებულების გადაცემა, თუ ვალდებულების მიმღები ვერ აკმაყოფილებს სატენდერო დოკუმენტაციით მიმწოდებლისათვის დაწესებულ მოთხოვნებს.

14. სუბკონტრაქტორები:

14.1. მიმწოდებელმა წერილობით უნდა აცნობოს შემსყიდველს მოცემული ხელშეკრულების ფარგლებში დადებული ყველა სუბკონტრაქტის შესახებ, თუ ეს უკვე არ არის მითითებული სატენდერო წინადადებაში;

14.2. ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს, მისი მოთხოვნის შემთხვევაში;

14.3. ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით არსებული მატერიალური ან სხვა ვალდებულებებისაგან.

15. ხელშეკრულების შეწყვეტა:

15.1. ხელშეკრულება შეიძლება ვადამდე მოიშალოს:

15.1.1. მხარეთა ორმხრივი შეთანხმებით. დაუშვებელია მიმწოდებლის მიერ ხელშეკრულების შეწყვეტა შემსყიდველის თანხმობის გარეშე, გარდა ამ პუნქტის 15.1.4. ქვეპუნქტით გათვალისწინებული შემთხვევისა;

15.1.2. მხარეთა მიერ ხელშეკრულებით გათვალისწინებული პირობების დარღვევის შედეგად ამ პუნქტის 15.1.3. და 15.1.4. პუნქტების შესაბამისად;

15.1.3. შემსყიდველის მიერ ხელშეკრულება ცალმხრივად ვადამდე შეიძლება მოიშალოს (შეწყდეს):

15.1.3.1. მიმწოდებლის მიერ ნაკისრი ვალდებულების სრულად შესრულებისათვის დადგენილი ვადის დარღვევის შემთხვევაში;

15.1.3.2. მიმწოდებლის მიერ გაფრთხილების მიუხედავად ხელშეკრულების იმავე პირობების განმეორებით ან/და სხვა პირობების შეუსრულებლობის გამოვლენის შემთხვევაში;

15.1.3.3. წინამდებარე ხელშეკრულების 11.2. პუნქტით გათვალისწინებული გარემოებების არსებობისას;

15.1.3.4. მიმწოდებლის გაკოტრების შემთხვევაში;

15.1.3.5. თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

15.1.3.6. საქართველოს კანონმდებლობით გათვალისწინებულ სხვა შემთხვევაში;

15.1.4. მიმწოდებლის მიერ ხელშეკრულება ცალმხრივად ვადამდე შეიძლება მოიშალოს (შეწყდეს):

15.1.4.1. საქართველოს კანონმდებლობით გათვალისწინებულ სხვა შემთხვევაში;

15.2. ხელშეკრულება წყდება ნაკისრი ვალდებულების შესრულების გამო;

15.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან;

15.4. შემსყიდველის მიერ ხელშეკრულების ცალმხრივად მოშლა (შეწყვეტა) დასტურდება შესაბამისი ადმინისტრაციულ-სამათლებრივი აქტით;

15.5. ხელშეკრულების შემსყიდველის ბრალით მოშლის (შეწყვეტის) შემთხვევაში მიმწოდებელს სრულად აუნაზღაურდება გაწეული მომსახურების ღირებულება.

16. დაუძლეველი ძალა (ფორს-მაჟორი) და დაუძლეველი ძალის გარემოება:

16.1. მხარეები თავისუფლდებიან წინამდებარე ხელშეკრულებით გათვალისწინებული ვალდებულებების შეუსრულებლობის ან არაჯეროვანი და/ან დაგვიანებით შესრულების გამო პასუხისმგებლობისაგან, თუ ხელშეკრულების შესრულების შეფერხება ან ვალდებულებების შეუსრულებლობა გამოწვეულია დაუძლეველი ძალის გარემოებებით,

16.2. ამ პუნქტის მიზნებისათვის „დაუძლეველი ძალის გარემოება“ ნიშნავს მხარეთა ნებისა და კონტროლისაგან დამოუკიდებელ გარემოებებს, რომელიც არ არის დაკავშირებული მხარეთა შეცდომებსა და დაუდევრობასთან, და რომელთა თავიდან აცილებაც შეუძლებელია მიუხედავად მხარეთა გონივრული მცდელობებისა და რომელთაც მიეკუთვნება, მაგრამ არ შემოიფარგლება ამით:

ა) ომი, სამხედრო მოქმედება, ბლოკადა, მობილიზაცია, ემბარგო;

ბ) აჯანყება, რევოლუცია, სამხედრო ან უკანონო ქმედება ან სამოქალაქო ომი;

გ) ამბოხი ან საბოტაჟი;

დ) საზოგადოების მტრების ან ტერორისტების მოქმედებები;

ე) სტიქიური უბედურებები (ქარიშხლი, ქარბორბალა, წყალდიბობა და სხვა), ეპიდემია, კარანტინი, საბიუჯეტო ასიგნებების მკვეთრი შემცირება

ვ) სხვა გარემოებები, რომლებიც საყოველთაოდ აღიარებულია ფორს-მაჟორულ გარემოებად ან/და რომელიც ასეთად იქნება აღიარებული ხელისუფლების ორგანოების მიერ და რომელიც პირდაპირ დაკავშირებულია მხარეთა მიერ ნაკისრ ვალდებულებათა შესრულებასთან.

16.3. დაუძლეველი ძალის გარემოების გამო მხარეები პასუხისმგებლობისაგან თავისუფლდებიან მხოლოდ იმ დროთა და მოცულობით, რაც აუცილებელია დაუძლეველი ძალის სიტუაციით გამოწვეული პრობლემების მოგვარებისათვის. დაუძლეველი ძალის გარემოების მოქმედების დროს მხარემ, რომელზეც იმოქმედებს ასეთი გარემოება, რაც შეიძლება სწრაფად უნდა შეატყობინოს მეორე მხარეს ასეთი გარემოების შესახებ და მიაწოდოს ასეთი გარემოების დამამტკიცებელი სათანადო საბუთი და მისი ხანგრძლივობის სავარაუდო ვადა და შედეგები და ორივე მხარემ უნდა მიიღონ ყველა ზომა იმისათვის, რომ შეამცირონ მეორე მხარისადმი ზარალის ოდენობა, რომელიც გამოწვეულია დაუძლეველი ძალის გარემოებით;

16.4. თუ დაუძლეველი ძალის გარემოებები გაგარძელდა 2 (ორი) თვეზე მეტი ხნის ვადით, ხელშეკრულების თითოეული მხარე უფლებამოსილია მოითხოვოს წინამდებარე ხელშეკრულების ვადაზე ადრე შეწყვეტა (მოშლა);

16.5. იმ შემთხვევაში, თუ ფორს-მაჟორული გარემოებების გამო მხარეები შეთანხმდებიან ხელშეკრულების პირობების შეცვლაზე, მათ შორის ხელშეკრულებით გათვალისწინებული ვადის გაგრძელებაზე, ეს გადაწყვეტილება უნდა გაფორმდეს წინამდებარე ხელშეკრულებაში

ცვლილების შეტანის გზით. ამასთან, ხელშეკრულების პირობების შეცვლა უნდა მოხდეს მხოლოდ იმ დროთა და მოცულობით, რაც აუცილებელია დაუძლეველი ძალის სიტუაციით გამოწვეული პრობლემების მოგვარებისათვის;

16.6. წინამდებარე ხელშეკრულების მიზნებისათვის არცერთ შემთხვევაში ფორს-მაჟორულ გარემოებას არ წარმოადგენს მხარეთა ფინანსური სიდნელები, საგადასახადო და სხვა სახელმწიფო ორგანოებთან, ასევე სხვა ფიზიკურ თუ იურიდიულ პირთან ურთიერთობის გამო დამდგარი შედეგები და კლიმატური პირობები, გარდა სტიქიური უბედურებებისა,

16.7. მიმწოდებელი თავისუფლდება ხელშეკრულებით გათვალისწინებული ვალდებულებების შეუსრულებლობის ან არაჯეროვანი და/ან დაგვიანებით შესრულების გამო პასუხისმგებლობისაგან იმ შემთხვევაშიც, როცა მას შესრულება უნდა მიეღო მესამე პირისაგან და ასეთი ვერ მიიღო, თუ მესამე პირმა მიმწოდებელის წინაშე ნაკისრი ვალდებულება ვერ შეასრულა ფორსმაჟორული გარემოებების გამო.

17. სადავო საკითხების გადაწყვეტა:

17.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ;

17.2. თუ ასეთი მოლაპარაკებების დაწყებიდან 15 (თხუთმეტი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სამართლოს;

17.3. სასამართლოში სადავო საკითხის განხილვისას გამოიყენება სართველოს მოქმედი კანონმდებლობა;

17.4. რადგან ხელშეკრულების შესრულების ადგილს წარმოადგენს ქ. ბათუმი, სადავო საკითხის განხილვის მოთხოვნით მიმართვა ხდება ქ. ბათუმის მერიის ადგილსამყოფელის მიხედვით არსებული სასამართლოსადმი.

18. გამოყენებული სამართალი:

ხელშეკრულება დადებული იქნება საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

19. ხელშეკრულების ენა:

ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულდება ქართულ ენაზე.

20. შეტყობინებები:

20.1. შეტყობინების წესი:

შეტყობინება ხელმოწერილი უნდა იყოს გამგზავნი მხარის მიერ ან მისი სახელით, გაეგზავნოს მხარეს, რომელიც არის მისი ადრესატი და მიეწოდოს ამ მხარეს მისამართზე, რომელიც მითითებულია 20.2 პუნქტში, ან უკანასკნელ მისამართზე, რომელიც მხარემ შეტყობინების მეშვეობით განსაზღვრა შეტყობინებებისთვის წინამდებარე ხელშეკრულების შესაბამისად. მხარისთვის გაგზავნილი ნებისმიერი შეტყობინება უნდა იყოს ქართულ ენაზე ან თან ახლავდეს ქართული თარგმანი;

20.2. შეტყობინების მისამართი და შეტყობინების დრო:

შეტყობინება უნდა გადაეცეს ხელიდან ხელში ან გაიგზავნოს ფოსტის მეშვეობით, და წინამდებარე ხელშეკრულების სხვა მიზნისთვის იგი ჩაითვლება მიწოდებულად:

(ა) ხელიდან ხელში გადაცემისას: როდესაც ის პირადად მიეწოდება მხარეს ქვემოთ მოცემულ მისამართზე ან უკანასკნელ მისამართზე, რომელიც მხარემ შეტყობინების მეშვეობით განსაზღვრა შეტყობინებებისთვის წინამდებარე ხელშეკრულების შესაბამისად.

შემსყიდველი: შპს „შავი ზღვის ფლორისა და ფაუნის შემსწავლელი სამეცნიერო კვლევითი ცენტრი“ მის: ქ. ბათუმი, რუსთაველის ქ. №51	მიმწოდებელი: შპს „ეკოვის ეი-თი-ეი ფინანსები“ ქ .თბილისი, აფაქიძის ქუჩა N 11, სართული 11, ბინა N151
---	--

(ბ) კურიერული ფოსტა: თუ გაიგზავნა ფოსტის მეშვეობით 20.2. პუნქტის „ა“ ქვეპუნქტით განსაზღვრულ მისამართზე, რაც დასტურდება კურიერის მიწოდების დასტურის ჩანაწერებში; შეტყობინებები, რომლებიც მიღებულია უქმე დღეს ან სამუშაო დღის 17.00 საათის შემდეგ ჩაითვლება მიღებულად შემდეგ სამუშაო დღეს.

21. სხვა პირობები:

21.1. მხარეები ადასტურებენ, რომ წინამდებარე ხელშეკრულება შეესაბამება მათ მიერ გამოვლენილ ნებას და ნების გამოვლენისას მათზე რაიმე სახის ძალდატანებას ადგილი არ ჰქონია. ასევე ადასტურებენ, რომ ისინი უფლებამოსილნი არიან ხელი მოაწერონ წინამდებარე ხელშეკრულებას სწორედ აღნიშნული შინაარსით;

21.2. წინამდებარე ხელშეკრულება გაფორმებულია ქართულ ენაზე;

21.3. სხვა საკითხები, რომლებიც მოწესრიგებული არ არის წინამდებარე ხელშეკრულებით წესრიგდება საქართველოს მოქმედი სამოქალაქო კოდექსით.

„შემსყიდველი“

(ხელმოწერა)

„მიმწოდებელი“

(ხელმოწერა)

შესყიდვის ობიექტი - 2021 წლის ბუღალტრული აღრიცხვისა და ფინანსური ანგარიშგების აუდიტი

1. საქონლის ტექნიკური პარამეტრები/მომსახურების/სამუშაოს აღწერა (ტექნიკური დავალება), შესყიდვის ობიექტის რაოდენობა/მოცულობა

1.1. შემსყიდველისთვის გასაწევი აუდიტორული მომსახურება მოიცავს შპს „შავი ზღვის ფლორისა და ფაუნის შემსწავლელი სამეცნიერო-კვლევითი ცენტრის“ 2021 წლის ბუღალტრული აღრიცხვისა და ფინანსური ანგარიშგების აუდიტს, საერთაშორისო სტანდარტების (ფასს სტანდარტების) შესაბამისად.

1.2 შპს „შავი ზღვის ფლორისა და ფაუნის შემსწავლელი სამეცნიერო-კვლევითი ცენტრის“ 2021 წლის მმართველობითი ანგარიშგების აუდიტი, კერძოდ:

* საქმიანობის მიმოხილვის აუდიტი.

აღნიშნულის ფარგლებში მიმწოდებელმა უნდა მოამზადოს და შემსყიდველს გადასცეს შესაბამისი აუდიტორული დასკვნა (არანაკლებ 3 ეგზემპლარი)

2. დამატებითი პირობები, მოთხოვნები, ინფორმაცია და მითითებები შესყიდვის ობიექტთან დაკავშირებით:

2.1. აუდიტორმა/ აუდიტორულმა ფირმამ უნდა გამოთქვას მოსაზრება მმართველობით ანგარიშგებაზე, მის მარეგულირებელ ნორმატიულ აქტებთან შესაბამისობასა და იმავე საანგარიშგებო პერიოდის ფინანსურ ანგარიშგებებთან თანხვედრილობის თაობაზე. აუდიტორი/აუდიტორული ფირმა განსაზღვრავს არსებით უზუსტობებს და საჭიროების შემთხვევაში მიუთითებს მათ არსს.

2.2. აუდიტორმა/აუდიტორულმა ფირმამ უნდა განახორციელოს „ბუღალტრული აღრიცხვის, ანგარიშგებისა და აუდიტის შესახებ“, საქართველოს კანონის მოთხოვნებით აუდიტორის სხვა მოვალეობები.

2.3. მიმწოდებელი ვალდებულია მოახსენოს შემსყიდველს გამოვლენილი საბუღალტრო ან/და საგადასახადო ხასიათის პრობლემების შესახებ და გაუწიოს სათანადო კონსულტაციები მათ აღმოსაფხვრელად. ამასთან, იგი პასუხისმგებელია მის მიერ გაწეულ მომსახურებაზე და ვალდებულია სრულად აუნაზღაუროს შემსყიდველს ნებისმიერი ზიანი, რომელიც მას შეიძლება მიაღგეს მომსახურების უხარისხოდ ან არაჯეროვნად გაწევის შემთხვევაში

2.4. ბუღალტრული აღრიცხვის და ფინანსური ანგარიშგების აუდიტი, საქართველოს კანონმდებლობის თანახმად, მომზადებული უნდა იქნეს აუდიტის საერთაშორისო სტანდარტების (ISA) შესაბამისად (საქართველოს კანონი „ბუღალტრული აღრიცხვის, ანგარიშგებისა და აუდიტის შესახებ“);

2.5. აუდიტორული დასკვნები უნდა მომზადდეს ქართულ ენაზე;

3. დამატებითი ინფორმაცია შემსყიდველის შესახებ:

3.1. საქართველოს მთავრობის 2019 წლის 29 ნოემბრის #584 დადგენილებისა და „ბუღალტრული აღრიცხვის, ანგარიშგებისა და აუდიტის ზედამხედველობის სამსახურის“ 2019 წლის 23 დეკემბრის #1781 ბრძანების შესაბამისად, შპს „შავი ზღვის ფლორისა და ფაუნის შემსწავლელი სამეცნიერო-კვლევითი ცენტრის“ მინიჭებული აქვს სდპ - საზოგადოებრივი დაინტერესებული პირის სტატუსი.

ფასების ცხრილი

მომსახურების დასახელება	ფასი (დღგ-ს გათვალისწინებით)
შპს „შავი ზღვის ფლორისა და ფაუნის შემსწავლელი სამეცნიერო-კვლევითი ცენტრი“-სთვის 2021 წლის ბუღალტრული აღრიცხვისა და ფინანსური ანგარიშგების აუდიტი	28900

დამატებითი პირობები

მიმწოდებელი ჩაატარებს დამკვეთის 2021 წლის 31 დეკემბერს დასრულებული წლისთვის, ფინანსური ანგარიშგების საერთაშორისო სტანდარტების მიხედვით ქართულ ენაზე მომზადებული ფინანსური ანგარიშგების აუდიტს.

1.1. აუდიტი ჩატარდება იმის გათვალისწინებით, რომ შემსყიდველის ხელმძღვანელობა და, საჭიროების შემთხვევაში, მართვის უფლებამოსილებით აღჭურვილი პირები აღიარებენ და აცნობიერებენ, რომ მათ ეკისრებათ პასუხისმგებლობა შემდეგ საკითხებზე:

1.1.1. ფინანსური ანგარიშგების მომზადება და სამართლიანად წარდგენა ფასს-ი შესაბამისად.

1.1.2. ისეთი შიდა კონტროლის არსებობა, რომელიც, შემსყიდველის ხელმძღვანელობის აზრით, აუცილებელია თაღლითობით თუ შეცდომით გამოწვეული არსებითი უზუსტობებისგან თავისუფალი ფინანსური ანგარიშგების მოსამზადებლად; აგრეთვე

1.1.3. მიმწოდებელი უზრუნველყონ:

1.1.3.1. წვდომით ნებისმიერ ინფორმაციასთან, რომლის შესახებაც ცნობილია ხელმძღვანელობისთვის და რომელიც აქტუალურია ფინანსური ანგარიშგების მომზადებისა და მასთან დაკავშირებული განმარტებითი შენიშვნებისთვის, როგორცაა ჩანაწერები, დოკუმენტაცია და სხვა საკითხები;

1.1.3.2. დამატებითი ინფორმაციით, რომელიც მიმწოდებელმა შეიძლება მოსთხოვოს ხელმძღვანელობას აუდიტის მიზნებისთვის; ასევე

1.1.3.3. შეუზღუდავი წვდომით შემსყიდველის იმ წარმომადგენლებთან, რომლებისგანაც მიმწოდებელი საჭიროდ მიიჩნევს აუდიტორული მტკიცებულებების მიღებას

„შემსყიდველი“

(ხელმოწერა)

„მიმწოდებელი“

(ხელმოწერა)

შპს "შავი ზღვის ფლორისა და ფაუნის შემსწავლელი სამეცნიერო კვლევითი ცენტრი"
ხელწერილი ინტერესთა კონფლიქტის არარსებობის შესახებ
ქ.ბათუმი

ხელმოწერით ვადასტურებ, რომ ჩვენი მონაწილეობა, შპს "შავი ზღვის ფლორისა და ფაუნის შემსწავლელ სამეცნიერო კვლევით ცენტრსა" და შპს „ეკოვის ეი-თი-ეი ფინანსებს“ შორის 2022 წლის 3 მაისის სახელმწიფო შესყიდვების შესახებ ხელშეკრულება N41-ის გაფორმებისას არ ეწინააღმდეგება "სახელმწიფო შესყიდვების შესახებ" საქართველოს კანონის მე-8 მუხლის მოთხოვნებს.

დირექტორის მოვალეობის შემსრულებელი

მ.გაგოშიძე

ბუღალტრული აღრიცხვისა და ანგარიშგების
სამსახურის უფროსი (მთ. ბუღალტერი)

ნ.ანანიძე